

ORACVLVM
THEMIDIS POLONÆ.

Aureo cognatarum Astrææ Charitum Tripode,

In Perillustribus, Clarissimis, & Admodum Reuerendis Dominis,
In Amplissimo DD. Iure-Consultorū Collegio,

Iuris Vtriusque Licentiatis,

D. M. ANDREA KRVPECKI,
Ecclesiæ Collegiatae Sanctorum Omnium
CANCELLARIO;

D. M. IOANNE EKART,
eiusdem Ecclesiæ PRIMICERIO,
& in Cathedrali Ecclesia Cracouiensi,
POENITENTIARIO FOXIANO;

D. M. ADAMO STYRKOWSKI,
Protonotario Apostolico, PRIMICERIO Tarnouiēsi,
Casimiræ ad S. IACOBVM PRÆPOSITO,
Consistorij Cracouiensis Actuarius;

D V M

In Alma Vniuersitate Cracouiensi,
ad Ædes Colleg: OMNIVM SANCTORVM,

SVB EXIMIA PROTECTIONE

Celssimi, ac Reuerendissimi PRÆSVLIS, ac PRINCIPIS,

D. IOANNIS
DE MALACHOWICE

MALACHOWSKI,

EPISCOPI CRACOVIENSIS, DVCIS SEVERIÆ,

Almæ Vniuersitatis Cracouiensis,

CANCELLARII Fauentissimi;

SVB

SVB FELICISSIMIS verò AVSPICIIS,
Magnifici, Perillustri & Admodum Reuerendi Domini,
D. M. FRANCISCI IOSEPHI
PRZEWOSKI,

S. Th: DOCTORIS & PROFESSORIS,
Collegæ Maioris, Ecclesiarum Collegiatarum, SS.
Omniū Crac: PRÆPOSITI, Scholastici Curelouien: ad S. FLO-
RIANVM Canonici, Kórczynen: Curati, Librorum per Diæcesim
Crac: Ordinarij Censoris, Canonizationis Beati IOANNIS CAN-
TII Procuratoris, Contubernij Hierosolymitani Prouisoris,
S. R. M. Secretarij, Almæ Vniuersitatis Cracouiensis,
Generalis & Vigilantissimi
R E C T O R I S.

Perillustri & Admodum Reuerendo Domino,
D. M. SEBASTIANO
PISKORSKI,

IVRIS VTRIVSQ; DOCTORE & PROFESSORE,
Ecclesiar: Collegiat: SS. Omnium Archidiacono,
Canonico Vielunensi, Curato Luboricensi, Inclytæ Facultatis Iuridicæ
PROCANCELLARIO.

In Nobilissima Illustrium Hospitum Corona,
& Senatûs Academici Consessu,



Iuris Vtriusque Doctores,

RITV SOLENNI RENVNTIARENTVR,
CORONATVM,

393873

*& officiosissimi cultûs, gratulatorijque applausûs ergò,
rare Solennitati Actûs istius, lucique publica,*

P B R

M. MARTINVM BIELECKI,
in eadem Alma Vniuersitate Cracou: Phil: Doctor: & Profes: Colleg: Mi-
nor: Canonicum Tarnouien: Contubernij Iagelloniani Seniore.

C O N S E C R A T V M.

Anno Salutis 1692. Die 27. Mensis Martij.

CRACOVIAE, Ex Officina Francisci Gezary, S. R. M. Illustris, ac Reuerendiss. D. Epi-
scopi Crac. Ducis Seuerigæ. Necnon Schol. Nouod. Typogr.

Bibl Jag

1974 St. 2 211 St. Dr.

ORACVLVM

THEMIDIS POLONÆ.

Aureo cognatarum Astrææ Charitum Tripode,

CORONATVM.

PRæsens rerum humanarum tutela
Astræa Virgo;

si è terris excesserit:

lib. Jag.

*quid iuuat sollicitare Deum, Cyrrha secreta mouentem?
vt carmine donantium mortalibus æuum ora Vatum,
entheo vigore impleat.*

Sacer hic labor & dignæ Phœbo ambages,
vteunque decus suum pretiumque retinent,
*dùm viget opus Iustitiæ Pax,
vna innumeris potior triumphis.*

Hæc

postquam ferri licentis violentiâ tollitur è medio corripiturq; ;
pallent illicò marcentq; Doctarum hederæ præmia frontium.

Et si hostiles fumantium Thebarum inter ignes

Pindari vatis Penatibus contingat esse saluis;

fausto Iustitiæ genio, non sue artis præsidio, beneficium debent.

vbi Iuris & æqui, responsa, spreta neglectaque silent,

scrutari Oracula Phœbi, Lyciæq; exquirere Sortes;

vt turbine magno spes sollicitas, trepidosq; metus, tollant aut minuant:
tantum prodest,

quantum Musica in luctu, potæque in febribus aquæ.

Nimirum

pulso Legum auxilio,

nullâ formidine poenæ, nullâ dulcedine recti,

si cerretur in commune nefas;

cuncta hominum, rerumque quid aliud sunt?

quàm mare infidum & procellosum,

in quo Cete grandia non requiras,

cum Ius sceleri datum, multiplicat Polyphemos,

fitque præda maiori minor.

Corda iniquorum Eurippos reputa :

continuo nocendi æstu feruent.

ubique statio malefida bonis.

colluctantibus malignorum peruersorumque ventis,

nutat mediæ fortuna carinæ.

sæuæ inter licentiæ Acroceraunia, naufragæ Virtuti
dextrum Scylla latus leuvmq; implacata Charybdis obsidet.

adeò redundantium ex impunitate vitiorum
grande diluuium vitam moresq; hominum pessumdaturū ingruit:

nisi rerum temporumque Domini Deucaliones,

naugio prudentiæ freti,

maturè confugiant in bicipitis ardua Parnassi :

Hoc est,

nisi conterminum cœlo Iuris Vtriusque fastigium, animo emensi,

de reparando in melius humano genere

consulant Themidis Oraculum.

Hæc cum Iouis mens consiliumque sit,

quidni alto emimens folio coronata,

Reges in ipsos seriò aduertat,

honestum omne iustumque in sinu & indulgentia fouens,

procul habeat maculosum nefas.

Cur Themis Omnipotens,

priùs olim in Templo Delphico, responsa dedisse traditur,

quàm Iuris Consultus Apollo; quæris?

quia etiam filij Solis,

(cuius imagine iustum sanctumque Principem Aegyptij designarunt)

nisi ad iuste pondera Libræ respiciant,

sunt orbis terrarum Phærontes.

Nec quidquam

à Sapientissimis etiam dictum factumue Oraculi nomine dignū,

quod Iustitiæ Numine non decernitur.

Aureus igitur Tripas,

(quod sapientissimo mortalium munus deberi, olim Pythias

ex adyto decreuit)

quidni, Sapientiam & omnem complexæ Virtutem, Themidi,

desinat in diadema gloriæ?

cum qua,

cum qua, si commune sibi Oraculum; Delius ipse fecit?
profectò, non etiam secrevit ab aureo eruditariū mentiū Tripode,
quem sibi Argolicæ Septemvirsatus Sapientiæ dedicavit.
coniunctum hoc vtriusque in animos imperium; si vspiam,
certè in hac Poloni Orbis Attica, spectandum.
quàm benè conueniant & in una sede morentur
æquus cum Themide Phœbus.

Felicitas hæc Lechiadum,
quòd non videndo Delphos, ex Tripode sapiant;
Tuum munus est,

Diue, Poloni conditor Academi, IAGELLO:

iusto, felici, pioq; Liberrimæ Gentis imperio,
Regnum Sapientiæ adiunxisti,
vt augustam mentem Tuam, non vnus conuiuij decreto,
in concilium Diuorum assereres:

& qui in ritu Gentili Astræus fueras Superis infestus,
rectâ tandem Iustitiæ semitâ iturus ad astra,
Superûm iuxtâ ac regnorum decus maximum,
calo, in nouum Heliconem deduxisti, Astræam.

Quam,

vt Cererem quoque Legiferam, iusto titulo dici ostenderet:
Magnus de Gente & Armis *Aceruorum*,

Iuris & Sacrorum Antistes Cracouiensis,
primus Illi ad aram mactauit Hostiam;

Iuris Canonici Oraculis, publicè ex Cathedra Iuridica respōdendo.

vt Præsuleo propitiata honore,

aurea sæcula in Polonia renouaret,

quæ regnante Saturno. calo missa, condiderat.

Non tam Athlantidum lampas septena Sororum

collectis fulgoribus orbem suum serenat,

quàm præclara septem Liberalium Scientiarum Pleias,

in pugnaci & magnanima Sarmatarum indole,

aureos omnigenæ Eruditionis Tripodas effingit;

vt munere tanto fontem suum Phœbi & Themidis Oraculum coronet:

in quo Astræa non de antri recessu murmurat:

sed palàm consultantibus, tot responsa reddit,

quot doctissimorum à fausta origine Iurisprudentiæ Doctorum,
perspicaci ingenio, reconditos sensus,
& abstrusa ambiguaque Iuris, resoluit.

Triplex ille partium Iustitiæ nexus:

honestè vivere, neminem ledere, ius suum cuique tribuere,
cùm firmissima humanæ vincula charitatis contineat:
iure opimo cognatarum Astrææ Charitum, nomen vendicat.

Consciæ Oraculorum Consultorumq; Lauri,

quæ emeritas frontes redimunt,

Coronæ triumphales sunt,

quibus continuo successu, terna per sæcula,

Graciæ augustal Themidis, pulcherrimè vernat:

aureos Responsorum Iuris Tripodes tot numerans,

quot Clarissimorum in vtroque Iure Doctorum, decora ingenia.

Hoc coronario doctarum mentium auro,

quod Vobis pertinax recti pectus & non vna excellentiū in Iure meritorū

adorea, in coronam fabricavit VIRI CLARISSIMI,

hodiè radiat splendidissimè,

Polonæ Themidis sacrarium.

Numerus hic vester Ternarius,

quem Pythagoræ Aequitatis diem vocarunt,

nobis lætitiæ, Vobis gloriæ, serenum meridiem accendit.

Tam decoræ lucis in auge præradias

Perillustis, Clarissimis, & Admodum Reuerende Domine,

M. ANDREA KR VPECKI

Iuris Vtriusque Neodoctor,

pulchro visendus honore, sed merito in rem Literariam superior.

Nomen Tuum igneum & virile,

rem probat, & omnem laudem absoluit in puncto.

Nam igneo volucrique ingenij impetu,

Pegaseum ætatis gradum anteuertens,

sensus in prætexta præstitisti viriles, ANDREAS,

magnarum rerum species, eminūs animo ad se vocans,

quæ mox gerendæ, præberent materiem, magnæ excellæq; gloriæ.

cum nasci contigit præclare,

alteram

alteram vitam potioreque cogitans institui conuenienter,
insinuato ingenuæ indoli Tuæ Literarū bono, acriter illis institisti,
flammam imitatus,

quæ leui flatu excitata, ignem suum explicat.

Ergo pectus generoso incoctum honesto,

quod speciosus Charitum ternio occupauerat,

Musæ quoque libenter subierunt.

illis auspiciis, per erectos ad virtutem passus,

per difficiles ad coronam agones,

itum est à Te magnanimo Agonotheta,

usq; ad edita doctrinæ Sapientium templa serena.

sublime ingenium mox vice Tripodis colendum,

velut fuluum quod probatur in ignibus aurum,

per multa viuum spirantia Phœbum specimina, serio exercitum;

istud oraculum fecit:

non tam facili paratu,

triumphalia Philosophicarum Laurearum decora,

eruditis mentibus obuenire,

quàm facile ligustra cadunt.

Præmia hæc eruditorum laborum sufficiant alijs,

& saturent laudandam gloriæ cupidinem,

quæ amplius, quàm vitæ spatium extenditur;

Tuæ fuerunt incitamenta laudis

& maiorum præambula meritorum.

Maximum sapientiæ officium esse ratus, ut verbis facta cecordet;

esse quàm videri, dicique Philosophus maluisti.

non tetricæ frontis, nasique seueri ostentatione,

non vanæ tinnitu laudis,

non clamosa contentione nec supercilio,

sed pertinaci in voluendo reuoluendoq; Philosophorum dogmata labore,

felici ingenio in intelligendo,

prompto ac veloci in arguendo & respondendo,

acri iudicio in resoluendo, facili in explicando,

Verum in Philosophia parari decus non nescius,

palmaribus hisce vestigijs,

per tot priuatarum publicarumq; disputationum certamina,

ad eruditæ fastigium gloriæ contendisti,

per quot discrimina rerum,

Anchisiades tendit in Latium.

Præcipuus tantæ celebritatis titulus,
& Victricis Tuæ Philosophiæ trophæum,
perennat in fastigio Montis illius,

quem vulgò Caluum vocant,

ego, quia Sanctus est, & BENEDICTIVS, caluum dicere nolo,
ne vapulem more puerorum, Sanctum Domini, calue calue, inclamantium.

Sacer ille Poloniæ Olympus est: quia cælo vicinus,
euanidas sæculi nubes à longe despectat:

& beata, Soli DEO vacantium animarum, serenitate renidens,
cælestis pignus Patriæ, in notabili Benedictæ Crucis particula, asseruat.
Post exactam inibi Cursus Philosophici, cum ingenti audientium profectu
Olympiadem, gloriosius Tibi contigit Olympionicen fuisse,
quàm Magno Macedoni orbem triumphare.

*Prodromæ noctium, cadant altis de montibus umbra, ceteris,
Te, velut electi populi Legislatorem, de monte Domini descendente,
maior solito gloriæ lux circumfulsit,*

signavitq; viam triumphalibus flammis, ad maiora nitenti.

Splendore Virtutis, & eruditionis tanto,

LVBRANSOIANAM Palladem,

postquàm modicum recreasses, magnus in Peripato Professor,
quantò illi gratior fueras, tantò grauius discessu Tuo afflixisses,
nisi breui post, venturum speraret.

Quippè ita compositi sumus,

Vt nihil acerbius feramus, quàm rei placite citum transitum:

Te huc reducem, Bellerophonta agnouère suum,
vbiq; optimè de integerrima Nominis Academici gloria promerentem,
Regiæ cum Apolline suo Camenæ,

racitis Minorum Gentium Collegam suffragijs, nominando;
nisi prior ad propulsandam ignorantia Chymæram.

Wielopolscianus Pegasus inuitasset.

Quis Deus, duxit Te in cordis intima,

Sarmatici illius, tenacitate secretorum & acri custodiâ Legum, Metelli,

Magni olim Regni Poloniæ Cancellarij,

IOANNIS WIELOPOLSKI?

os illud principalis Suadæ aureum, & Ciuilis Prudentiæ Oraculū,
vt Te vidit, tantoperè æstimauit,

vt poneret Te, signaculum super cor suum,

geminas Paterni cordis Gemmas, magnæ Filios expectationis,

(quam

(quam, nunc temporis, magnis meritis & honoribus dignissime implent.)
fidei Tuæ instituendos committendo.

ità iam omnia facere & dicere ex Tripode par,
etiam ex aureo illo Poloniæ Tripode, audire responsa meruisti.

Quamobrem
breue Minoris Collegij Professorum, deliciū factus,
pendentibus aliò viam Superum Superiorumq; fatis,
vltimum vitæ & sanguinis, Diuæ Themidi, autorare decreuisti.
dolente interim Lyceo, sublimem & triumphalem Philosophum,
Tullianis rostris, magnum & grauem Oratorē, à se auelli, ægrè ferentibus.

Quicquid ergò
Sacra & Ciuilis Astræa arcanum habuit,
Tu peruestigāte industriā, cogitatione sollicitā, sedulitate peruigili,
in lucem produxisti, felicior vtique Romano Flauio,
qui quædam Formularum Iuris latibula, cum subdolè
Plebi Romuleæ patefecisset,
nouo Iuri nomen dederat.

Tu, quam antè Polnaniensi Academiæ
de Te existimationem fecisti Philosophus,
eam, Magnus iam Astrææ Sacerdos, ad summum extulisti Director.
nihil enim tam arduum in illa difficili sparta, in experimentum virtutis
Tue contigit; quod non
magno animo aggredi, consilio perficere,
autoritate tueri, velles, scires & posses.

Præclarè Actorum tuorum,
spectator, Peraugusti illius Capituli oculus,
astimatio Tui summa, iudicium incorruptum,
cum tuis etiam laudibus hodiè fauet,
velut Mineruæ calculus,
nec ego vota dicendo, moror.

Ergò cum id in Iuris Prudentia affectus es,
vt non tantum Iuris, sed Iustitiæ Consultus habearis;
cum tam ad rescandos Iuris nodos,
quàm ad resoluenda ænigmata Legum,
tam promptum Tibi ingenium sit, quàm gladius Delphicus,
Salue igitur benè & feliciter
Iuris Vtriusque Doctor?
& qui Coronamentum sanctitatis & vitæ,

Magnis in orbe Hyperboreo Hospitibus,
Diuis **LVDOVICO & ROSÆ**
aureâ Suadâ olim concinnasti,
diu sospes & fortunatus, aureo consultissimi pectoris Tui Tripode,
Themidis Tuæ Oraculum corona.
Te verò, dulces ante omnia Mulae,
quidni, pectore toto recipiant plaudentes?
quidni in Te Laureatum, purpureos spargant flores?
cui plenum ingenio pectus, & miram facundi oris suauitatem,
cum nomine Gratiae finxerunt,

Perillustis, Clarissime, & Admodum Reuerende Domine,
D. M. IOANNES EKART,
Iuris Vtriusque Neodoctor,

qui vt vitâ, moribus, doctrinâ semper Tripodem spirares,
virtutem & Regias consulisti Camænas.
*austerior quidem illis genius & non blanda vox,
algere, sudare, magnos tolerare labores,*
sed nunquàm cortina fallit, si responsa dignè impleueris,
maximè in dictis factisque cauendo : *ne quid nimis.*

Medium illæ amant,
à quo Tu ne latum quidem vnguem videris discessisse:
cui arcano Dei iudicio,
medius locus contigit in Tripode Iuris.
*Hinc verior Tibi sinè furore Phæbas, mens conscia recti,
modestus de Te sensus, adytum & antri recessus.*

Vnde
cum multa præclara in lucem prodierint oracula,
maiora sub inuolucro modestiæ latent.

Laudanda tamen opera,
non idcirco celas, vt alijs inuideas,
sed vt intelligaris, virtuti maximè,
non populari auræ Te studere :
contemptu quidem famæ contemni virtutes,

sed si

sed si bona sit, famam dissimulando augeri,
eiusdem prudentiæ Oraculum est.
Non totum celant nubila solem:
excelsas quoq; dotes tuas, pulchræ sub nube modestiæ,
oculus ille Iustitiæ & innocentiae pupilla,
Columna Ecclesiæ Dei,
viua & inusitata magnæ virtutis species,
optimus Præsul OBORSIVS perspexit, nec distulit,
manibus dare Lilia plenis,
Ab illo Iustitiæ oraculo,
summisq; alijs Astrææ Flaminibus, eruditus,
non decere sapientem ac Iure-Consultum,
ex cortice de nucleo sententiam ferre;
medullam Iuris Vtriusque conamine maximo,
in tui profectûs vsû & hodierni splendoris magnificentiâ traduxisti:
Iustitiæ medium semper tuiturus,
Medius hodie Neodoctor;
vel vt Te pleno titulo, honoris gratiâ appellem:
Orator Philosophus, Iure-Consultus.
Augusta hæc nomina & magno ore sonanda,
virtutis, Doctrinæ, gloriæ Doctoralis;
pretiosos tamen hos vniones, quis credat?
rudes & aspectu viles conchæ pariunt:
labor, sedulitas, sudor & atra cura.
fuliginem necesse est abundè bibat doctor,
vt in illius Doctorali corona, fulgeant isti adamantes.
Hæc Te via quæsiuisse eruditi honoris functiones,
gradus laborum, per quos iuisti ad præmia honorum,
certius approbant,
quàm aliquis, vt aiunt, ex Iouis tabulis, testis.
Nam simulatque primam eruditi periculi procellam,
in Minori Collegio,
quâ itur ad Senacula & Curules,
velut Cocles in ponte sublicio,
Oratorijs Philosophicisque inclytus palmis,
D
dexter-

dexterrimè sustinuisti,
velut è luco Apollinis in Astrææ cælum,
proprio alarum remigio sublatus es, Aquila, IOANNES,
omine sanè fausto:

quia responsa Charuspicum, numerosa merita dederunt,
sapiens animus Tuus, recitabat folia sybillæ:

hæc est, Intelligentia Iuris
quæ in Te quàm felix & excellens sit,
euincunt difficiles & perplexæ Quæstiones Iuris,
digni Te iudice nodi,
in quorum docta & luculenta explicatione,
fracto difficultratis putamine,
nucleum intelligentiæ Orbi Lechico reliquisti.

quarum in auro velut adamas fulgurat,
Quæstio de Potestate Summi Pontificis,
quam nuperrimè in solenni Licentiaturæ Actu,
decidisti clarè, defendisti strenuè:

quot in illa Conclusiones, tot aurea responsa,
quot allegationes Legum, tot Lauri & Cortinæ loquaces:
dignum sanè Laureâ Iuridica pretium,
pro quo, benedicat Doctorali Coronæ Tuæ,
quâ Themidem Polonam coronas,
faueatque Rebus Academicis Ille,
cuius augustissimo capiti, hoc filialis deuotionis lēma consecrasti,

Sanctissimus Pater INNOCENTIVS XII.

Gemmea Vniuersalis Ecclesiæ Dei Corona.

Multa honori Tuo debeo, multa volo,

Perillustris, Clarissime, & Admodum Reuerende Domine,

**D. M. A D A M E
S T Y R K O W S K I,**

Iuris Vtriusque Neodoctor,

sed subita ratio stuporis, minuit animi gestientis plausum,

Nimirum

cum in amplitudinem meritorum tuorum,
& in summam hanc dignitatis Iuridicæ celsitudinem,

quam

quam feliciter prendis, acriter intendo animum:

Tu mihi videris Trina & vna charis,

solus aureum Tripoda promeritus,

Porro cum erudis multos ad Iustitiam Iuris Vtriusq; Professor:

cum iudicas iuste, interpres Causarum Iudicialium,

serius inquisitor & Notarius,

cū stylo & calamo pro Terna Iustorū sanctitatis corona, allaboras,

ut fulgeant sicut sol in splendoribus Sanctorum;

quomodo non tunc Gratias, mereris vnus in Coronam?

digna cedro, trium Acta visitationum,

quas cū Tribus oculatissimis summæ prudentiæ & dignitatis Argis,

laudabiliter peregisti, dum respicio:

Triophthalmo Te similem video:

in quo ut natura miro artificio,

ita longa praxis & experientia Iuris,

in capaci tuo ingenio, trium Iustitiæ oculorum fabricam effinxit,

quæ in tuam & aliorum vitam sine ruga aduertat.

Quid mirum est,

si Iure quodam successionis & Præsuleæ priuilegio gratiæ,

Tuam suauissimam morum temperiem,

auream animorum catenam.

& Iuris summitatem, circumdant, nunc Thiarati flores Rosarum,

ut ante vallabant fauoribus Lilia conuallium?

cum Tu, corde, ore & animo, floridus totus,

candidus & rubicundus,

in purpura dominæ rerum Iurisprudentiæ,

semper triumphas victor,

hodiè utroque Iure Laureatus Doctor.

Cui

simulac in æde Musarum lætum pœana finiui;

Magnificum hoc Omnium Sanctorum honori dicatū, Pantheon,

monet:

ut pro Tribus in vota desinam vnus.

DEVS TER OPTIME,

Cui lætitiæ Genij, per nouem distincti choros,

benedictum occinunt Trisagion,

in aureo hoc,
quo Themidis Polonæ Oraculum, dignantè coronasti
Neodocorum Tripode,
peculiarium Gratiarum Tuarum,
& perpetui fauoris, priuilegia,
protectioni, ornamento & ad maiorem gloriam Tuam,
studiorum incremento,
deuotissimæ Tibi semper
Vniuersitatis Cracouiensis
consignare, dignare.
Accedite votis
in vestro sacrario solenniter nuncupatis,
Æternæ veritatis Oracula,
mentes cæli Palatinæ, defixæ in Sole Iustitiæ
Augusti & triumphales Empyreï Ciues,
qui regnum decoris & diadema speciei de manu domini accepistis,
& date Omnes vnam,
vestræ Benedictionis
CORONAM.

